

## Nuutsbreef, juli 2021

Bèste Veldeke minse,

### 1. Herinnering: Lèste waek vöörinsjrieving.

Tót 31 juli këntj g'r taege de vöörinsjrievingspries van 10 euro per ex. nog inteikene vöör 't beukske "*Poëziewanjelinge*": 62 pagina's gedichte en foto's van de wanjelinge, die w'r in 2015, 2015, 2017, 2018 en 2019 höbbe georganiseerdj in achtereinvolgendj Lilbosch, Zöstere, Staeveswaert, Ech en de Nuujsjtadt. Det weurtj 'n sjoan beukske es trökblik, herinnering, óm te beware of óm cadeau te doon. De kospries is 12,50 en det zal 't beuksje nao 1 augustus och gaon koste. Mer vöörinsjrieviers kriege 't vöör 10 euro. Door die opgaves vööraaf këinne w'r nl. op 1 augustus aan de drökker zoa precies möögelik opgaeve, wieväöl beukskes weer wille laote make. Want vööl te vööl blif mer ligke en laote biedrokke, ómdet 't 'r te min wore, kosj allein mer extra geldj.

*Dus besloetj noe en bestèl mit de bón ónger aan deze Nuutsbreef.*

### 2. Prissentatie beukske.

't Bestuur wiltj nog bekiete of de prissentatie van dit beukske weer de ieëste activiteit kan zeen nao de corona-periode. Det zoe den zeen op zaoterdig 26 september in 't Cultuurhoes. De ieëste beukskes waere den aangebaoje aan de cultuurwèthaojer Marian Bruijsten-v.d.Berg, aan de sjrieviers van de gedichte, aan de fotograaf en de zöstervereniginge in de versjillendje kerne, die ós gehölpe höbbe bie 't realisere van de poëziewanjelinge.

Aafhankelik van wieväöl minse taege dae tied in de zaal moge, zeen och de leje, die bie de vöörinsjrieving 'n beukske bestèldj höbbe, den welkom. Det is taege dae tied te laeze in oos volgendje "Veldeke Bekèt", det róndj 15 september versjientj.

### 3. Project Loesterverhaole.

Höbtj g'r och al kènnis gemaaktj mit oos loesterverhaole oppe website?

Vanaaf half april zette w'r waekeliks 'n door Marjo Jaski-Verheesen ingespraoke dialectverhaol oppe website [www.veldekekrinkech.nl](http://www.veldekekrinkech.nl). Aanvankelikbedoeldj vöör de minse, die zónger bezeuk in de verzögingstehoezer verbleve, zeen dees verhaole noe door ederein te beloestere. G'r gaontj nao de website, zeuktj 'n verhaol oet en klikkj 't pielke aan! Eder verhaol is 5 - 10 minute loestere.

*Tót straks weer bie Veldeke!*

*Ton van Wegberg, vöörzitter.*

---

#### **Bestèlle beukske "Poëziewanjelinge":**

- € 10,00 per te bestèlle beukske äövermake op 't raekeningsnummer van Veldeke Krink Ech, NL65 RABO 0138 6319 64, mit vermelje van naam en lidnummer (achter op 'n Veldeke Bekèt, lènks baove eur adres).

#### **Of:**

- € 10,00 per te bestèlle beukske contant in 'n envelop, same mit 'n brefke wo-op dien gegaevs, bezörge in de breverbös van de penningmeester op Thaalpad 129, 6102 EH Pej-Ech.  
NAAM    LIDNUMMER:                                  AANTAL BEUKSKES: